

26. April 2023

UPA2023/42

Siunnersuut uunga: Utoqqalinersiaqarneq pillugu Inatsisartut Inatsisaannut allannguutissatut, aamma siusinaartumik pensionisiat pillugit Inatsisartut Inatsisaannut allannguutissatut Inatsisartut Inatsisissaattut nr. 42 xx. xxxx 2023 Inatsisartut aalajangiiffigisassaattut siunnersuut.

(Toqqammaviumik naatsorsuinermit utoqqalinersialinnut akigititaasunut naqqiut kiisalu aamma siusinaarlunilu pensionisiallit qaffasinnerpaaffissaanut akigititaasut pillugit naqqiut)

Isumaginninnermut, Suliffeqarnermut, Nunamullu Namminermit Naalakkersuisoq)

Siunnersuummut qujalluta Siumumit imaattumik oqaaseqarfigissavarput.

Uani qinigaaffimmi Siumumiit pingaartilluinnakkatsinnik utoqqartatta, siusinaartumillu pisartagalitta atugassarititaanik pitsanngorsaanerit ingerlanneqarput.

Pitsanngorsaanermit pisartakkat paatsuugassaangitsumik malunnaatilimmik inissinneqarnissaat suliama pingaarutilerujussuuvooq tamanna siullermik inatsisip toqqammaviusup siullermi akuersissutigineqarnerani iluarsisassaartoq misilittagaqarfigineqalersimaneq Naalakkersuisunut qisuariarfigineqarnera iluarisimaarparput.

Taamaattumik inatsisissatut siunnersuutip siullermeernerani tamakkiisumik taperserparput.

Siumumiit utoqqaat atugarisaanik pitsanngorsaanerit ingerlatagut inatsisitigut nalimmassaaneruppata allatulluunnit aqqissuussineruppata illinerit atugarilikatta aqqutaaniippugut.

Tullinguuppoq utoqqarnut atugassarititaasut pitsanngorsarnerat inatsisartutigut suliareqqissallugu. Siumumiit siunnerfiuvoq utoqqartagut aqagussaq ernammatiginagu inuunissaat qulakkiissallugu, taamaaliornikkut suli aningaasatigut atugassarititaasut pitsanngorsassallugit ilaatigut pilersuisussaataanerup iliuuseqarfiginissaa kingusinnerusukkullu inatsisip ataatsimoortut imminnut aporfilersuisinnaasut qulaajassallugit iluarsaavigineqarsinnaaniassammata.

Piffissaq ungasinnerusooq isigalugu utoqqaat amerliartornerisa Nunatta aningaasaqarneranut sunniutissai sillimmartaarfiginiarlugit periuusissap timitalernissaanik suliaraqarnerup annertusarneqarnissaa qulakkiissallugu, taamaaliornikkut Siumut qulakkeerinnittuusariaqarpoq patajaatsumik tatiginartumillu iliuusissat tulleriarinerillu aaliangersaaffigilissallugit.

Minitassaangitsorli Siumumiit eqqumaffigalugu sularissavarput tassaasooq utoqqalinersiaannarnut utoqqarnut pitsanngorsaanerit ingerlanneqassanngimmata, utoqqaalli Nunatsinni sinerissuatsinniatsinni sumiiffimmini Kommunit peqatigalugut atugaasa pitsanngorsarnissaat. Tassunga suliama partiit ataatsimoorluta aningaasanik immikkoortitsinissamik suleqatigiittariaqarpugut taamaaliornikkut suliniutit timitalernissaat qulakkeerniarlugu.

Hans Peter Poulsen, Siumut